



Broj: 06-1-07-1-608-1/26
Sarajevo, 08.04.2026. godine

Izborna komisija osnovne izborne jedinice - svi

PREDMET: Javni poziv za prijavu kandidata za predsjednike/zamjenike predsjednika biračkih odbora

Centralna izborna komisija Bosne i Hercegovine će dana 15.04.2026. godine, objaviti javni poziv za prijavu kandidata za predsjednike/zamjenike predsjednika biračkih odbora, koji će biti otvoren 15 dana, do 30.04.2026. godine. S tim u vezi potrebno je da izborne komisije izvrše sljedeće radnje:

- a) kreiraju saopštenje za javnost koji će objaviti na web stranici izborne komisije
- b) postaviti navedeno saopštenje za javnost na svim mjestima predviđenim za plakatiranje u osnovnoj izbornoj jedinici, na ulazu u grad/općinu, u mjesnim zajednicama
- c) proslijediti navedeno saopštenje za javnost lokalnim radio i tv kućama, koje budu željele da u svojim programskim šemama, objave to saopštenje
- d) u dogovoru sa dekanima visokoškolskih ustanova, polijepiti navedeno saopštenje za javnost, na svim mjestima predviđenim za plakatiranje u tim ustanovama
- e) u dogovoru sa odgovornim osobama u ambulancama, domovima zdravlja, apotekama i drugim zdravstvenim ustanovama polijepiti navedeno saopštenje za javnost na oglasnim tablama tih ustanova
- f) provjeriti sa rukovodiocima javnih ustanova i preduzeća te polijepiti navedeno saopštenje za javnost na oglasnim tablama tih ustanova
- g) provjeriti sa rukovodiocima privatnih preduzeća, tržnih centara, restorana, ugostiteljskih objekata i svih drugih mjesta gdje se birači skupljaju da se nalijepi navedeno saopštenje za javnost na oglasnim tablama ili na ulazima u te objekte
- h) izborna komisija treba da, u okviru svojih mogućnosti, gostuje na što više mjesta na kojima se nalaze navedena saopštenja za javnost i promoviše poziciju predsjednika/zamjenika predsjednika biračkog odbora, kako bi se na javni poziv prijavio što veći broj birača.

U prilogu ovog akta dostavljamo vam tabelu „Evidencija kandidata u aplikaciji“ u kojoj se nalaze podaci koliko se kandidata prijavilo na javne pozive 2024. i 2026. godine, te koliko je ukupno prijavljenih kandidata po javnim pozivima, broj svih biračkih mjesta, na održanim Lokalnim izborima 2024. godine, te podatak koliko nedostaje kandidata da bi se imenovali svi predsjednici biračkih odbora i svi zamjenici predsjednika biračkih odbora. Ukoliko je u koloni „Nedostaje“ broj pozitivan znači da u toj osnovnoj izbornoj jedinici imamo više kandidata u aplikaciji od potrebnog broja za imenovanje, ukoliko je taj broj negativan znači da u toj osnovnoj izbornoj jedinici nema dovoljan broj kandidata da bi se imenovali svi predsjednici biračkog odbora i svi zamjenici predsjednika biračkog odbora. Ističemo činjenicu da ima osnovnih izbornih jedinica u kojima nema dovoljan broj kandidata kako bi se imenovali predsjednici biračkog odbora, te izborne komisije u tim osnovnim izbornim jedinicama trebaju se dodatno angažovati kako bi se u ovom javnom pozivu prijavio dovoljan broj kandidata za predsjednika/zamjenika predsjednika biračkog odbora.

Nadalje, izborna komisija će biti u obavezi, da svim kandidatima koji se prijavljuju po javnom pozivu, ovjeri Izjavu o ispunjavanju uslova propisanih u članu 2.3 i 2.19 stav (2) Izbornog zakona Bosne i Hercegovine, Izjava kojom kandidati potvrđuju svojim potpisom da nisu politički aktivni. Nakon što kandidatu ovjeri Izjavu izborna komisija će istu kopirati i kopiju dati kandidatu kako bi uz ostale dokumente mogao skenirati i dostaviti Centralnoj izbornoj komisiji Bosne i Hercegovine putem aplikacije „JAVNI KONKURS za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini - april 2026 (15.04.2026 - 30.04.2026)“, dok će original zadržati kod sebe do isteka roka po javnom pozivu za prijavu kandidata. Nakon toga će izborna komisija sve originalne izjave zajedno sa evidencijom preuzetih izjava dostaviti Centralnoj izbornoj komisiji Bosne i Hercegovine.

Ovim putem želimo istaći da je ovo veoma važan zadatak koji je postavljen pred Centralnu izbornu komisiju Bosne i Hercegovine i izborne komisije, te da od kvaliteta obavljenog posla umnogome će zavisiti kvalitet narednih izbora, zbog činjenice da prijavom većeg broja kandidata za pozicije predsjednika/zamjenika predsjednika biračkih odbora postoji veća mogućnost da se putem obuka izvrši selekcija kvalitetnog kadra.

Prilikom provođenja obuke kandidata za pozicije predsjednika/zamjenika predsjednika biračkih odbora, koja je održana krajem drugog mjeseca 2026. godine, za koju je Centralna izborna komisija Bosne i Hercegovine dostavila svim izbornim komisijama listu sa kontakt podacima svih kandidata koji su evidentirani u aplikaciji i koji su trebali proći obuku, određene izborne komisije su se obraćale Centralnoj izbornoj komisiji Bosne i Hercegovine sa zahtjevom da se određena lica uvrste u aplikaciju jer su bili predsjednici/zamjenici predsjednika biračkih odbora na Lokalnim izborima 2024. godine, ili na prijevremenim izborima za predsjednika Republike Srpske, a nisu se nalazili u dostavljenoj listi kandidata koji trebaju proći obuku. Ovim putem Centralna izborna komisija Bosne i Hercegovine ističe da se na ovaj javni poziv ne trebaju prijavljivati samo kandidati čija su imena dostavljena izbornim komisijama kako bi prisustvovali obuci predsjednika, svi drugi se trebaju prijaviti na javni poziv.

S poštovanjem,

Dostaviti:
- Naslovu,
- a/a

